



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
ADMINISTRATIVNA KOMISIJA
Broj: 01/7-011- 1238 /03
Sarajevo, 09.09.2003. godine
ZAPISNIK

9. sjednice Administrativne komisije Predstavničkog doma Parlamentarne skupštine BiH, održane 09.09.2003. godine, u vremenu od 14,00 do 15,00 sati.

Sjednici su prisustvovali: Munib Jusufović, Šefik Džaferović, Jozo Križanović, Nikola Kragulj i Ivo Miro Jović.

Sjednici nisu prisustvovali: Hazim Felić, Momčilo Novaković, Vinko Zorić i Mirko Blagojević.

Sjednici su pored članova Komisije prisustvovali Zlatko Lagumdžija, u svojstvu predlagača rezolucije koja je na dnevnom redu sjednice, Branka Todorović, sekretar Predstavničkog doma i Dragica Hinić, stručni saradnik u radnim komisijama Parlamentarne skupštine BiH.

Sjednicom je predsjedavao Munib Jusufović.

Na sjednici je predložen slijedeći

DNEVNI RED:

1. Usvajanje zapisnika 8. sjednice Administrativne komisije;
2. Razmatranje Prijedloga rezolucije poslanika Zlatka Lagumdžije o obustavljanju povećanja plaća u institucijama BiH;
3. Tekuća pitanja:
 - a) Razmatranje zahtjeva za naknadu troškova korištenja mobilnog telefona:
 - Merdžane Igllice- za mjesec juni i juli 2003. godine i
 - Samira Ćorovića- za mjesec juni i juli 2003. godine.

Dnevni red usvojen je jednoglasno.

Ad.1.

Jozo Križanović je uložio primjedbu na zapisnik 8. sjednice. U uvodnom dijelu zapisnika kojim se navodi prisustvo sjednici, nije navedeno ime predlagača rezolucije koja je razmatrana, g-dina Zlatka Lagumdžije, te ovaj propust treba ispraviti. Članovi Komisije saglasili su se da se zapisnik uporedo razmatra u okviru druge tačke dnevnoga reda, te potom usvoji ukoliko ne bude drugih primjedbi.

Nakon okončane druge tačke dnevnoga reda, i uz navedenu primjedbu Joze Križanovića, članovi Komisije jednoglasno su usvojili zapisnik 8. sjednice.

Ad.2.

Munib Jusufović ukratko je informirao o dosadašnjem toku razmatranja prijedloga rezolucije, predlagača Zlatka Lagumdžije, i istaknuo da je saglasno raspravi 8. sjednice Komisije, sačinio amandmane na rezoluciju. Istaknuo je da ostaje kod svog stava i ranijih obrazloženja vezanih za predloženu rezoluciju.

Potom je dao riječ predlagaču rezolucije, Zlatku Lagumdžiji, koji je informirao prisutne da je na osnovu prijedloga prethodne sjednice Komisije, sačinio izmjene dijela teksta u tač. 2.,3.,4. i 5. U tački 2. naveden je rebalans Budžeta, u tački 3. riječ «očekuje» zamjenjena je riječju

«zahtijeva» , tačka 4. donekle je preformulirana, a u tački 5. dodane su riječi «i javnim preduzećima».

U potom otvorenoj raspravi učestvovali su Šefik Džaferović, Jozo Križanović, Munib Jusufović i Ivo Miro Jović.

Šefik Džaferović i Jozo Križanović, kao i na prethodnim sjednicama, podržali su prijedlog rezolucije Zlatka Lagumdžije ističući da odgovara u potpunosti sadašnjem stanju u našoj državi.

Munib Jusufović i Ivo Miro Jović ostali su pri stavu da je odlukom Komisije o povećanju koeficijenata poslanicima vršeno isključivo usklađivanje koeficijenata sa drugim institucijama BiH, te da je jasno rečeno da će se Komisija kretati isključivo u okviru raspoloživih budžetskih sredstava do kraja godine, a to će zahtijevati i od ostalih budžetskih korisnika.

U toku ove sjednice predlagač je prihvatio prijedloge tekstualnog poboljšanja rezolucije u tački 2., tako da je riječ «sankcionirane» zamjenjena riječju «obuhvaćene» , a u tački 4. iza riječi «paušala» dodana je riječ «poslanika», te riječ «odudarati» zamjenjena riječju «odstupati».

Nakon okončane rasprave Munib Jusufović istaknuo je da je postignut visok stepen saglasnosti po pojedinim tačkama prijedloga rezolucije i potom novi preformuliran tekst prijedloga rezolucije koji je sačinio Zlatko Lagumdžija, dao na glasanje.

Komisija sa 2 glasa za, 2 glasa protiv i 1 uzdržanim glasom, nije podržala prijedlog rezolucije Zlatka Lagumdžije.

Ad.3.

Članovi Komisije jednoglasno su donijeli odluke o isplati naknade za korištenje mobilnog telefona u službene svrhe, za mjesece juni i juli 2003. godine:

- Merdžani Iglici, u visini od 171,30 KM i
- Samiru Ćoroviću, u visini od 112,00 KM.

Zapisnik sačinila:
Dragica Hinić

Predsjedavajući
Administrativne komisije
Munib Jusufović